
Musèu Romantic Can Llopis



Façana deth Musèu Romantic

Eth Musèu Romantic Can Llopis se tròbe actuaument barrat per reformes.

\\

Intimitat e vida sociu en romanticisme. Eth romanticisme representèc era apoteòsi der individú en toti es encastres dera activitat umana. Tanben en encastre dera arquitectura e dera decoracion d'interiors. Es òmes e es hemnes volien hèr evidentia era sua personalitat, eth sòn gost. A trauès d'objèctes e mòbles de diferents procedéncias e estils, amassadi armonicament, er abitatge mòstre coma èren, o coma volien èster, es personas que i viuïen. En ua casa romantica, cada cornèr amague un secrèt, cada objècte sauve eth rebrembe d'un instant de vida. A partir d'aguestes traces podem reconstruïr e comprèner eth passat.

\\

Eth Musèu Romantic Can Llopis. Aquesta casa deth sègle XIX, perfectament conservada, permet que mos apropem as formes de vida d'ua familha de proprietaris catalans que viuèc era sua esplendor pendent es ans deth romanticisme. Siguec construïda ara fin deth sègle XVIII, en estil neoclassic, de formes sòbries e elegantes, damb fòrça pòca ornamentacion. Fidèu ara tradicion mediterrànèa, era casa consèrve eth pati centrau per a on puge era escala principau qu'amie ar estatge nòble. Era decoracion der interior rebut era evolucion deth gost a compdar dera epòca dera construccion der edifici, fòrtament influït pes estils aristocratices, enquiath trionf des naues formes deth romanticisme borgés.

\\

Eth progrès tecnic. Ena casa se pòden veïr bèri auanci tecnicos deth sègle XIX: ua veitura de shivaus damb capacitat tà catorze personas e diuèrsi velocipèdes (un des quaus ei fòrça sofisticat, damb jantes de goma e pedales). A trauès des diuèrses sales, se pòt resseguir tanben era evolucion dera illuminacion, des des candelèrs e es aranhas damb candeles de cera enquiath enlumenat de gas.

\\

Es Llopis. D'origina marinèra, era familha Llopis se junhec ena mitat sègle XVIII damb ua familha de proprietaris ruraus: es Falç. Es Llopis se dedicuèren as propietats familhaus e ath cultiu des vinhes. En cerèr dera casa s'elaboraau era Malvasia Llopis, que s'exportèc tà diuèrsi païsi d'America. Eth darrèr membre deth linhatge, Manuel Llopis i de Casades, cedic era casa pairau ara Generalitat de Catalonha eth 1935.

\\

Eth Musèu Romantic s'inaugurèc eth 1949. A estat agranit successivament damb ua seria de diorames, qu'illustrèn diferents episòdis dera vida en sègle passat e des tradicions populars catalanes, e damb era colleccion de pipes dera artista Lola Anglada, qu'amasse mès de quate centes pèces de diferents païsi, fòrça des quaus son deth periòde romantic.

Recorrut e Exposicions

Informacion e Mapa

Donades de contacte

Adreça

Carrer de Sant Gaudenci, 1, 08870 Sitges

Telefon

93 894 29 69

Web

<https://museusdesitges.cat/ca/museu/romantic/museu-romantic>

Email

museusdesitges@diba.cat

Oraris e visites guidades

BARRAT PER REFORMES

Coma arribar-i

Des de Barcelona

\\

\

- Tren: linha R2 Sud des dera gara de França.
- Autocar: linha MonBus des dera ronda Universitat.
- Veïcul pròpri: autopista C-32 enquiara gessuda 30 (Sitges Centre).

\\

Des de Tarragona

\\

\

- Tren: linha R15 o linha R16 des dera gara de Tarragona e linha R2 Sud des dera

gara de Sant Vicenç de Calders.

- Autocar: linha MonBus des dera plaça Imperial Tàrraco e linha Plana des dera plaça d'Eduard Maristany de Vilanova i la Geltrú.
- Veïcul pròpri: carretèra N-240, autopista AP-7 e autopista C-32 enquiara gessuda 30 (Sitges Centre).

\\

Des de Lhèida

\\

\

- Veïcul pròpri: carretèra LL-12, autopista AP-2 e autopista C-32 enquiara gessuda 30 (Sitges Centre).

\\

Des de Girona

\\

\

- Veïcul pròpri: carretèra C-65, autopista AP-7, ronda de Dalt e autopista C-32 enquiara gessuda 30 (Sitges Centre).

Hilats sociaus

<https://www.facebook.com/pages/Museus-de-Sitges/252927911450579>

https://www.tripadvisor.es/Attraction_Review-g187502-d244235-Reviews-Museu_Romantic-Sitges_Catalonia.html

<https://twitter.com/MuseusdeSitges/followers>